

ICRIS untuk kenaikan pangkat

Serdang: Universiti Putra Malaysia (UPM) menjadi universiti awam pertama memiliki sistem pintar jaringan industri dan komuniti (ICRIS) yang digunakan untuk mengumpul semua maklumat berkaitan di institusi pengajian tinggi berkenaan.

Naib Canselor UPM, Prof Datin Dr Aini Ideris berkata, julung kali komponen jaringan industri dan masyarakat digunakan sebagai salah satu kriteria penilaian prestasi tahunan oleh pegawai akademik pada 2015 menerusi sistem ICRIS.

"Sebelum 2015, pemarahan bagi khidmat dalam jaringan industri dan masyarakat tidak jelas dan mengambil markah kecil lima peratus saja bagi penilaian prestasi tahunan



DR AINI (empat dari kanan) bersama penerima anugerah, semalam.

serta kenaikan pangkat pegawai akademik.

"Justeru, sistem ini akan kita gunakan untuk proses kenaikan pangkat pegawai akademik pada tahun akan datang.

"Usaha ini untuk membudayakan jaringan industri dan masyarakat

dalam kalangan kakitangan UPM," katanya.

Beliau berucap ketika menghadiri majlis Anugerah Jaringan Industri dan Komuniti Berimpak Tinggi 2015 di Kelab Golf UPM, di sini, semalam.

Mengulas lanjut, Dr Aini berkata, sepanjang tahun lalu, UPM berjaya menjalinkan jaringan kerjasama dengan 1,481 industri dan 426 komuniti.

FAKTA
Tahun lalu UPM menjalankan jaringan kerjasama dengan 1,481 industri dan 426 komuniti